



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ephemerologivm Ecclesiastio-Rubricisticum Novum**

**Halden, Johann Baptist**

**Brixinæ, 1717**

Titulus LXIV. De Ferijs infra Hebdomadam I. Adventûs occurrentibus.

**urn:nbn:de:hbz:466:1-39937**

**TITULUS LXIV.**  
**De Ferijs infra Hebdomadam I. Adventus occurrentibus.**

**A**D OFFICIUM hujus Temporis quod attinet, in Adventu non fit de Festo, nisi fuerit *Duplex*, vel *Semiduplex*: Quale si occurrat in aliqua Dominica Adventus, transfertur regulariter in primam diem, Festo, aut Officio aliò 9. Lectionum non impediam: de *Simplici* autem Festo in Adventu occurrente, fit tantum suis locis Commemoratio (sine aliqua de illo Lectione) toto Tempore Adventus, nisi etiam Commemorationem de illo Qualitas Officij, vel Festi currentis (v.g. *Duplicis* 1. aut 2. *Classis*) vel extorto, vel ex parte excludat. Dixi autem: *Regulariter Festum 9. Lectionum in aliqua Dominica Adventus occurrens transferri in diem proximam 9. Lectionum Officiò non impediam*: quia licet id absolute verificetur de quocunque Festo in Dominica I. Adventus occurrente (ed quòd illa sit *Dominica Major* 1. *Classis* excludens à se juxta supra dicta etiam Missæ sollemnis Festivæ celebrationem) non tamen id perinde verificatur de omni Festo in II. vel III. vel IV. Dominica Adventus occurrente; cum enim hæc 3. Dominicæ sint tantum Dominicæ *Majores* 2. *Classis*, ideo si in

illis occurrat vel *Patronus Principalis* vel *Titularis Ecclesie*, vel hujus *Dedicatio*, saltem quodlibet horum 3. Festorum potest in dictis 3. Dominicis celebrari, si in aliqua illarum occurrat, cum Commemoratione tamen Dominicæ in utrisque Vesperis, Laudibus, ac Missa, nec non ultimo in hac de ead: Dominica Evangel: & 9. Lect. in Officio. *Rubr. Gen. IX. n. 4. & X. n. 1.* Alia tamen Festa, quæ non cum tanta sollemnitate, ac in propria tantum Ecclesia celebrantur, esto sint *Duplicia* 2. *Classis*, etiam hæc Dominicæ excludunt. Itaque his præsuppositis, si infra hanc, aut aliam Hebdomadam Adventus occurrat Festum 9. Lectionum (seu *translatum*, seu non *translatum*) fit de eo Officium, & Missa, cum Commemoratione tamen de *Feria Adventus*, qualecunque illud sit Festum, utpotè de *Feria majori* necessariò faciendâ, sumendo Oratione pro Commemoratione *Feriæ* ex Dominica præcedente, nisi *Feria* illa sit *Feria* 4. *Temporum*; In Ferijs enim 4. *Temporum* propria habetur Oratio, suo locò notata, ac proinde pro Commemoratione talis *Feriæ* Adventual. tunc assumenda: & quia hæc *Feriæ* (nempe 4. *Temporum*) etiam proprias habent

bent Lectiones in suo Officio, ac propriam Missam, ideo, si Festum 9. Lectionum occurrat in aliqua Feria 4. Temporum, non tantum fit de ea Commemoratio in Officio, & Missa Festi in ea occurrentis per propriam Orationem, sed etiam legitur 9. Lectio de Homilia in Evangel: illius Feriæ in Officio, & ultimum de eadem Evangel: in Missa Festi ejusmodi 9. Lectionum: De alijs autem Ferijs Adventus (esto & ipsæ sint majores) nec dicitur 9. Lectio in Officio, nec ult: Evangelium in Missa Festi, sed tantum fit de ijs tam in Officio, quam in Missa Festi Commemoratio per Orationem Dominicæ præcedentis; quia nempe nec Lect. de aliqua Homil. (sed tantum de Scriptura occurrente) nec propriam Missam habent, sed tantum resumitur in ijs Missa Dominicæ præcedentis, modò post referendò, si de illis fiat Officium.

Qui habent à Sede Apostolica Indultum, ut semel vel pluries diebus Festo 9. Lectionum non impeditis in Mense vel Hebdomade possint dicere Officium & Missam de SS. v. g. Sacramento, aut aliquo Sancto &c, non possunt vi illius id facere in Ferijs Adventus, aliisque Ferijs majoribus, uti nec in Vigilijs &c, etiamsi in Indulto nulla sit facta specialis mentio hujusmodi Dierum, ut constat ex Decr. S. R. C. Feriæ IV. Cinerum allegato.

Si infra hanc, aut aliam Hebdomadam Adventus occurrat Dies

infra Octavam alicujus Festi (v. g. Conceptionis B. V. M. aut S. Francisci Xaverij, quorum illud nunc in Ecclesia universalis, hoc verò à Societate JESU celebratur cum Octava) tunc pariter Officium ac Missa Ritu semiduplici de Die infra Octavam cum Commemoratione Feriæ ventus, ut paulò antè, ac post eum Festi Simplicis, si quod occurrat, exceptis tamen quoad Missam Ferijs 4. Temporum; in his enim infra Octavam aliquam occurrentibus Officium fit quidem De Die infra Octavam cum Commemoratione Feriæ 4. Temporum, & 9. de eadem Lectione, ac verò Missa juxta recentioris Missalis Rubricam Tit. III. n. 2. dicenda est de Feria 4. Temporum, cum Commemoratione Octava, ut infra P. I. & III. suis locis dicitur. Idem est de Vigilijs infra Octavam aliquam occurrentibus (exceptis ijs, quæ veniunt infra Octavam Corporis Christi, de quibus itidem suo loco) in quibus pariter Officium dicitur de Die infra Octavam cum Commemoratione Vigiliæ (sumendo Antiph: & Versu pro ea ex Fer: currente) & 9. in eadem Lectione, quando Vigilia extra Adventum occurrit, nihil autem faciendò de illa in Officio die infra Octavam, quando Vigilia aliqua intra Adventum occurrit: Missa vero omnino dicitur de Vigilia in tali casu; aliter tamen si intra, & aliter, extra Adventum occurrat: nam si oc-

currat extra Adventum, Oratio 2. *Sacerdotis*, notant Gavanz: & Arnaud.  
 est de Octava. 3. de *Simplici*, si quod occurrat, aut, si nullum occurrat, de S. Maria *Concede nos*, nisi aliter notetur: si verò occurrat intra Adventum (etiam in Feria II.) tunc II. Oratio est de Octava. 3. de Feria Adventus ex Dominica præcedente. 4. de *Simplici* (v. g. S. Saturnino) si quod occurrat; & tunc addenda est etiam 5. *DEUS, qui de B. M. V.* prout hoc ordine rectè præscripsit Orationes pro Missa Vigiliæ Directorium Constantiense, cum pluribus ab hinc annis Vigilia S. Andreae caderet in Diem IV. infra Octavam S. Conradi Confessoris & Episcopi Constantiensis (illius Dioceseos Patroni) quæ erat Feria II. post I. Dominicam Adventus, in qua proinde ob currentem Octavam non dicebatur ibi in Missa Vigiliæ Oratio *Eidelium*. Col. Viol.

Licet autem, quando Missa discordat ab Officio (ut discor dat, quando Vigilia aliqua, quæ jejunatur, aut Feria 4. Temporum, aut Feria II. Rogationum veniunt infra aliquam Octavam) Color Altaris sequatur Officium, Color verò Vestium Sacerdotalium, puta Casula, Stola, ac Manipuli, utri & Bursæ Corporalis, ac Veli calicis debeat esse conformis Missæ, adeoque in nostro casu hæc quinque posteriora debeant esse *Violacei Coloris*; pro Missa tamen solenni conveniens esse, ut *Pallium* quoque Altaris. (vulgò *Antependium*) concorderet cum *Colore Paramentorum*

Et) habes in Festo S. Leonis 28. Junij, in cuius Missa Oratio de Vigilia posterior est Oratione de Octava Nativ. S. Joannis licet in Sabbato Missa Vigilia praefertur Missa de Octava S. Joannis, ut constat ex Rubricis Missalis Festo S. Leonis praefixa. Et Ratio est; quia juxta Rubricam Gen: Missal. Tit. VII. n. 3. Oratio 2. est regulariter de eo, de quo fit Officiū. Additidem Gav. si in Vigilia incidente in Adventū occurrat Festū 9. Lectionū, non tantum faciendam esse in Missa de Festo prius Commemorationem de Feriali Adventus, quam de Vigilia, sed nec Evangelium in fine talis Missae legendum esse de Vigilia, uti nec in Officio, nec in Missa Quatuor Temporum legitur de ea Evangelium, quando in ijs occurrit Vigilia. Quod si Vigilia (v. g. S. Andreae) non tantum incidat in Feriam Adventus, sed in eadem Vigilia simul occurrat Festum simplex, Officium tunc quidem adhuc fiet de Feriali Adventus modò mox Feriali II. hujus Hebdomadae declarandò, nihilque in eo fiet de Vigilia; Missa tamen dicetur de Vigilia (sine Glor. & Cr.) & in ea Oratio 2. erit de Feriali Adventus. 3. de Festo simplici occurrente; quòd si Vigilia illa insuper incidat in Feriam II. adeoque praeter Commemorationem de Festo simplici, etiam ratione Feriali II. dicenda sit Oratio Fidelium, dicetur ista quartò, id est penultimò locò, ac insuper ei addetur Oratio quinta: *DEUS, qui de B.*

*M. V.* cum ex una parte in Missa quae Ritu simplici celebrantur, Orationes juxta Rubricas oporteat esse impares, ex altera autem parte earundem Rubricarum praescripto Oratio Fidelium in Missis Vivorum semper dicenda sit locò penultimò: unde si in Vigilia incidente in Feriali II. Tempore Adventus, non occurreret Festum simplex, tunc 2. Oratio esset Fidelium. 3. autem de Feriali Adventus, nisi liberè malles unum sim 5. aut 7. dicere, tunc enim 2. locò diceretur Oratio de Feriali Adventus. 3. *DEUS qui de B. M. V.* penultimò autem locò Oratio Fidelium. Praefata in Missa Vigiliae dicitur Commemorationem (et quidem in Missa Conventuali con-feriali) etiam si Festum, cujus est Vigilia, propriam habeat Praefationem: in Fine ejusdem Missae dicimus *Benedicamus*, ac *Evangelium S. Joannis Col. Viol.*

Quando alicubi in Vigilia amittitur Festum Duplex, aut Semiduplex, in Dies Octava alicujus Festi, tunc Officium, & Missae privatae quidem fiant dicuntur ut supra; At verò in Ecclesijs Cathedralibus, & Collegiatis cantantur 2. Missae, una de Festo, seu Die Octava, post TERTIAM, altera de Vigilia post NONAM, in quarum illa non quidem erit facienda aliqua de Vigilia Commemoratio; nec in ista aliqua Commemoratio de Festo; aut Die Octava, vel die infra aliam Octavam, si tamen simul occurrat aliqua Ferialis

de qua facienda sit Commemoratio (v. g. FERIA Adventus) aut simul Dies infra Octavam, aut Festum Simplex, tunc Commemoratio dies infra Octavam, vel Festi Simplex facienda est in Missa de Festo, seu de Die Octava, & non in Missa Vigilia (ut constat ex Missali 28. Junij, & 20. Septembr.) Commemoratio autem Ferie facienda est in Missa de Vigilia; quia sunt ejusdem Rationis, Oratio autem tertia tunc erit, quæ aliàs 2. locò diceretur: & in utraque diceretur in fine Evangelium S. Joan. Rubr. Gen. Missal. VII. n. 2. & Gav. ibid. Qui insuper ad Rubr. Gen. Missal. III. rectè observat, etiam si in Eccles. Cathedr. & Collegiatis dicendæ sint dictò modò 2. Missa Conventuales, quando Vigilia aliqua occurrat in Die Octava alicujus Festi, non tamen id procedere, si Vigilia quæpiam occurrat solummodo in Die infra Octavam. Quod etiam monet Arnaud: allegans Declarationem S. R. C. P. 1. Tit. 3. n. 1.

Si denique infra hanc, aut aliam Hebd: Adventus, in FERIA II. nec incidat Festum Duplex, aut Semiduplex; nec Dies infra Oct: nec Dies aliqua Oct: tunc FERIA II. Officium, & Missa juxta Rubric: sic ordinantur: Ad Matutinum dicitur Invitatorium, & Hymnus uti Dominicâ proximè præcedente: Antiphona, & Psalmi de FERIA currente, ut in Psalterio. Versus, uti notatur in Psalterio pro FERIA currente Tempore Adventus, Lectiones au-

tem & Responsoria pariter prout notantur in Proprio de Temp. pro FERIA curr.

Ad LAUDES dicuntur Antiphona usque ad Diem XVII. Decembr. exclusivè de FERIA currente, ut in Psalterio per annum: Psalmi verò de FERIA currente, ut in eodem Psalterio usque ad Vigiliam Nativ: Domini exclusivè: CAPITULUM (Venite et ascendamus) uti notatur FERIA II. post Dominicam I. Adventus in Propr. de Temp. Hymnus (En clara vox) ex Laud: Dominicæ. Vers: Vox clamat: Antiph: ad Bened: quotidie Propria. Oratio Dominicæ præced: ante eam verò dicuntur preces feriales cum Psalmo De Profundis ad Laudes, & quidem flexis (saltem in Choro) genibus, ut ibi, ac modò supra descriptò: id quod etiam fit ad reliquas Horas in Officio feriali. Post Laudes Diei (nisi quoad hoc alia sit consuetudo Ecclesiarum) quavis FERIA II. Adventus, in qua non occurrat Festum, aut Officium 9. Lectionum, dicitur I. Nocturnum, & Laudes Officij Defunctorum, omisso post Laudes Diei Versu: Fidelium anima &c. & sic usque ad Vigiliam Nativitatis Domini exclusivè. Quòd si toto Mense Decembri alicubi, aut aliquando non occurrat FERIA II. in qua Officium Defunctorum recitari possit (quòd omnes sint impedite Officij 9. Lectionum) non propterea in tali casu est recitandum in alijs Ferijs; quia in Adventu (idem

(idem est de Quadragesima) quoad hoc nulla habetur Ratio *Mensis*, sed tantum Feriæ II. ut constat ex Rubricâ. Dixi autem 1. usque ad Vigiliam Nativitatis Domini exclusivè; quia si Vigilia illa veniat in Feriali II. Hebdomadæ IV. Adventus, non erit recitandum in ea Officium Defunctorum; neque etiam pridie dicendæ ejus Vesperæ. Gav. & Arnaud. Dixi 2. in Adventu; si enim in Mense Decembri ante Adventum (v. g. Sabbato ante Dominicam I. Adventus incidente in 1. Diem Decembris) occurrat Feriali non impedita Officio 9. Lctionum, dicitur omnino pro illa die Mensis Decembris non impediri Officium Defunctorum cum Oratione *Fidelium* in Missa, & pridie etiam *Vesperæ Defunctorum* &c. Pari modo si prima Dies Decembris occurrat Feriali VI. aut Sabbato, pariter dicitur eâ die Officium Defunctorum &c, pro 1. die Mensis, & sequenti Feriali II. iterum dicitur pro Adventu, si fiat de Feriali. Bauldry P. 4. c. 1. n. 8. Quomodo Tempore Adventus ordinandæ sint Missæ Motivæ tam de B. V. quàm de alijs Sanctis, Vide infra P. III. Tit. De Missis Motivis.

Ad PRIMAM (quæ quoad cætera dicitur in Ferijs Adventus ut in Feriali Officio per annum) Antiphona sumitur in Ferijs hujus & seqq. Hebdomadæ ex Laudibus Dominicæ præcedentis, quamdiu ad Laudes Feriæ currentis propriæ non

assignantur in Propr. de Temp. Capitulum: *Pacem & Veritatem* &c. in Psalterio. In Responsorio dicitur: *Qui venturus es in Mundum* post illud verò Preces Ferialis Hebdomadæ, uti notantur in Psalterio Prima Feriali. Ad Absolutionem Capituli à Dominica I. Adv. usque ad Vigiliam Nativitatis Domini exclusivè in Feriali quoque Officio dicitur: *Domine Misere nostri* &c.

Ad Tertiam, Sextam, & Nonam in Ferijs Adventus pariter sumuntur Antiph. ex Laudibus Dominicæ præcedentis, quamdiu ad Laudes illarum Propriæ non assignantur. Capitula verò, & Responsoria breviorum Horarum dicuntur in Officio Feriali usque ad Vigiliam Nativitatis Domini exclusivè, uti notantur in Psalterio II. post Dominicam I. Adventus in Propr. de Temp. atque etiam in proprio Psalterio in Recentioribus. Breviorum pro Temp. Adventus; dicuntur ad singulas Horas Preces Ferialis Hebdomadæ, ac post eas Oratio Dominicæ proximæ præteritæ, quando propria non assignatur. Col. Viol.

Ad Missam hujus, ac subsequentiæ Feriarum quod attinet, quando infra Hebdomadam dicenda est Missa de Feriali, resumitur Missa Dominicæ proximæ præcedentis, quæ tamen sine Gloria, & Credo, & Graduale omittitur Alleluja, ac Vesperæ

sus sequens: Oratio 2. de S. Maria: *DEus, qui de Beata &c.* 3. vel contra persecutores Ecclesiae: *Ecclesie tue &c.*; vel pro Papa: *DEus omnium Fidelium*, uti notantur in Missa Dominicæ I. Adventus: nisi facienda sit Commemoratio de *Festo simplici*, aut dicenda Oratio *Fidelium*, uti dicenda hæc est quavis Feriâ II. Adventus, in qua fit de ea, usque ad Vigiliam Nativ. Domini. Nam si occurrat *Festum simplex*, post Orationem diei dicitur Oratio de Sancto. 3. autem Oratio tunc est de Sancta Maria: *DEus, qui de Beata &c.*; si verò dicenda sit Oratio *Fidelium*, dicenda illa est locò penultimò, adeoque si non facienda sit insuper alia Commemoratio (v. g. de *Festo simplici*) dicetur illa 2. locò. 3. autem locò illa, quæ alioquin esset 2. nempe: *DEus, qui de Beata &c.*, quæ quando est ultima cum correspondente sibi *secreta*, ac *Postcommunionem* terminatur per verba: *per eundem &c.* Si verò faciendâ sit insuper Commemoratio de *Festo simplici*, aut in Missa *Vigiliæ* Commemoratio *Feriæ Adventus*, 2. Oratio erit *Fidelium*, 3. de *Festo simplici*, aut *Feriâ Adventus*. Quòd si denique non tantum una aliqua alia Commemoratio, sed duæ sint faciendæ in *Missâ Feriæ* (idem est de *Missâ Vigiliæ*, v. g. in casu, quò *Vigilia S. Andreae* incidit in *Feriam II.* post *Dominicam I. Adventus*) tunc quia ex una parte *Orationes Missæ*, quæ di-

citur *Ritu simplici*, debent esse numero impares, ex altera autem parte *Fidelium* in *Missis Vivorum* seu non funebribus, poni penultimò locò, ideo ut hunc fortiatur locum Oratio *Fidelium*, debebunt dici ad minimum 5. *Orationes*. Hinc cum anno 1700. prædicta *S. Andreae Vigilia* incidere in *Feriam II.* *Hebdomadæ I. Adventus*, ac proinde *Missâ* diceretur de *Vigilia*. 2. Oratio erat de *Feria Adventus*. 3. de *S. Saturnino Mart.* 4. *Fidelium*. 5. *DEus, qui de B. M. V.* Dixi autem: *Ad minimum 5. in tali casu debere dici Orationes*: quia in *Ferijs* (idè est de *Vigilijs*, quæ *Ritum simplicem* habent) ac *Festis simplicibus* non tantum dici possunt (imò aliquando debent) 5. *Orationes*, sed etiam dici possunt septem, aut plures, modò impares, & modò inter eas *Fidelium* obtineat penultimum locum. Hæc de *Orationibus* in *Ferijs Adventus* in *Missâ* dicendis. Præfatio, quando *Missâ* dicitur de ea, est ultima seu *Communis*. In fine *Missæ* dicitur *Benedicamus*, & *Evangel.* *S. Joan. Col. Viol.* si q. m. b. u. p. m. i. n. i. s. a. 2. 0. p.

Cæterum cum juxta *Rubr. Gen. Missal.* V. quavis *Feriâ II.* cujusvis *Hebdomadæ*, in qua *Officium* sit de *Feria*, non habente propriam *Missam*, etiam *Missâ Principalem* dici possit pro *Defunctis* (*Missâ* nempe *quotidiana*) ideo in *Ferijs* quoque *secundis Adv.* *Missâ* etiam *Principalem* pro *Defunctis* dici poterit, ut ibi.

P P

Cum

Cum verò in Adventu Missa dicitur de Festo duplici, vel semiduplici, vel de Vigilia, vel de Die infra Octavam, vel de Die Octava alicujus Festi occurrente modò paulò superius descriptò, semper fit Commemoratio de de Feria Adventus, utpote Feria majore, in Missis saltem privatis (nam si in quapiam Ecclesia, in qua celebrantur eodem die plures Missæ, cantaretur Missa Votiva solemnior, cantanda esset sine omni Commemoratione) ut supra; & pro ejus Commemoratione dicitur Oratio Dominicæ præcedentis, nisi sint 4. Tempora; in hæc enim si incidat Festum, aut Officium 9. Lctionum in Adventu, sumitur pro Commemoratione Feriæ currentis Oratio cuivis Feriæ 4. Temporum propria, & quidem Feriæ IV. & Sabbato 4. Tempor: illa, quæ in Missa harum duarum Feriarum est prima, utpote quæ concordat cum Officio talis Feriæ.

De Festis Simplicibus in Adventu occurrentibus fit tantum Commemoratio tam in Missis de Tempore, quam de Sanctis, & in istis quidem post Commemorationem de Vigilia, aut Feria currente.

Vesperæ hujus, & cujuslibet seqq: Feriarum, in qua fit Officium de ea, dicuntur semper de Feria currente, ut in Psalterio per annum quoad Antiphonas ac Psalmos feriales: Capitulum verò (Non auferetur sceptrum) uti notatur Feriæ II. post Do-

minicam I. Adventus in Proprio Temp. Hymnus [Creator Alme] & Versus [Rorate Cæli &c.] I. & II. Vesperis Dominicæ I. Antiphona ad Magnificat quotidie propria. Oratio ex Dominicâ præcedente [etiam Feria IV. & VI. 4. Temporum] eisque præmittuntur flexæ ut supra, genibus, Preces feriales cum Psalmo Miserere, prout notatur post Vesperas, aut certè post Laudes Feriæ II. in Psalterio. Quòd si occurrat Festum Simplex, fit de eo post Orationem diei Commemoratione verò Commemorationes Communes, seu Suffragia Sanctorum, imò & de Cruce cessant, seu suspenduntur ex toto Tempore Adventus.

Ad Completorium [recitandum de reliquo ut in alijs Ferijs per annum] dicuntur rursus [flexæ, ut supra, genibus] Preces ibidem prædictæ. Col. Viol.

Feriæ III. IV. V. & VI. infra Hebd: dicitur Officium de ea, ac Missæ feriales uti Feriæ II. præced: juxta quantum tanquam Normam reliquarum Feriarum hujus Temporis, ordinatur Officium feriale usque ad Vigiliam. Nam per totum Adventum, exceptis Lctionibus, & harum Responsorijs, non Antiphonis ad Benedictus, & ad Magnificat, quæ quotidie ponuntur, assignantur Propria in Proprio Tempore. Officium quoque Defunctorum, & Oratio Fidelium in solis Ferijs II. [quantum est ex vi Rubricæ]

rum] Tempore Adventus dicantur.  
Col. Viol.

In SABBATIS Adventus non im-  
peditis Officiò, aut Festò 9. Lectio-  
num, licet Officium non fiat de S. Ma-  
ria in Sabbato, dicitur tamen MISSA  
PRINCIPALIS de ea [ *Votiva* scil: de S.  
Maria ab Adventu usque ad Nativit. Do-  
mini, quæ incipit: *Rorate* ] in Para-  
mentis Albis cum Commemoratio-  
ne de Adventu, nisi fuerint *Quatuor*  
*Tempora*, vel *Vigilia*; his enim in e-  
jusmodi Sabbatum incidentibus dicitur  
*Missæ* etiam *Principalis* de Sabbato  
4. *Temporum*, vel de *Vigilia*, ut supra,  
ac suo locò: Porro in Missa ejusmo-  
di de B. M. in Sabb: Temp. Adv: dicitur  
*Gloria* sine *Credo*, Oratio 2. de  
Feria Adventus, 3. de S. Spiritu, aut  
de Festo simplici, si tale occurrat.  
Præf. *Et te in venerat.* In fine *Ite*. &  
Evang: S. Joan. Tamen si autem in  
hujusmodi Sabbatis, in quibus Offi-  
cium & Missa discordant, *Color Para-*  
*mentorù Sacerd:* debeat esse conformis  
*Missæ Votive* de S. Maria, atque adeò esse  
*Albus*; *Color Altaris* tamen, nempe  
*Antependij* &c, sequitur Officium, at-  
que adeò est *Violaceus*, exceptâ Missâ  
solemni, in qua est albus. Gav: *Tom. I.*  
*P. 1. Tit. 18. in fin.* Dixi autè supra: *Missæ*  
*Principalis*, seu *Conventualis*; nam ad  
*Missas privatas* quod attinet, resumitur  
[ *per se loquendo* ] etiam in *Sab-*  
*batis Adv:* in quæ nec *Festum 9. Lectio-*  
*num*, nec *Feria 4. Temporum*, nec *Vigi-*

*lia* incidit, *Missæ* *Dominicæ præce-*  
*dentis*, sine *Glor:* & *Cred:* ac sine *Alle-*  
*luja*, & *Versu* seq: post *Graduale*: &  
in ea *Orat.* 2. *DEUS, qui de B. M. V.*  
3. *Ecclesia*, vel pro *Pap:* nisi facien-  
da sit *Commemorat: simplicis*; tunc  
enim 2. est de simplici. 3. *DEUS, qui*  
*de B. M. V.* Præf. *Commun:* in fin.  
*Benedicamus*, & *Evang:* S. Joan. *Col.*  
*Viol.* Dixi autem rursus: *Per se Lo-*  
*quendo*; quia, licet *Rubricæ* non  
præscribant, ut *Missæ* etiam priva-  
tæ in ejusmodi Sabbatis dicantur de  
B. M. V. in Sabbato, non tamen dici  
de illa eas prohibent, imò etiam con-  
venienter dicuntur de ipsa eo in casu:  
cùm *Missæ votivæ privata* dici possint,  
quocunque die *Officiù* non est *Duplex*,  
aut *Dominica in foro celebris*, nec talis  
occurrit dies, in qua etiam de Festo  
duplici facere *Missam* est prohibi-  
tum, cujusmodi dies sunt: *Vigilia*  
*Nativitatis Domini*, & *Vigilia Penteco-*  
*stes*, item *Feria IV. Cinerum*; *Feria c-*  
*mmes Hebd. Majoris*, ac *Dies infra Octa-*  
*vam Epiphania*, *Paschatis*, & *Penteco-*  
*stes*. Atque hæc de *Missæ* in Sabbatis  
Adventus.

Ad Officium quod attinet, in  
SABBATO ante Dominicam II. Adven-  
tus quoad Officium usque ad *Vesperas*  
omnia dicuntur, ac fiunt, ut Ferijs  
proximè præcedentibus; at verò ad  
*Vesperas* & *Completerium* omnia eò mo-  
dò, quò supra Sabbatò ante Domi-  
nicam I. Adventus.